



第一四八冊

四庫全書

●上海古籍出版社

# 本冊目次

|        |   |   |    |        |     |    |        |      |
|--------|---|---|----|--------|-----|----|--------|------|
| 蘇氏春秋集解 | 疑 | 辨 | 春秋 | 崔氏春秋經解 | 附春秋 | 春秋 | 春秋五禮例宗 | 春秋通訓 |
|--------|---|---|----|--------|-----|----|--------|------|

|            |              |               |               |               |               |
|------------|--------------|---------------|---------------|---------------|---------------|
| 宋蘇轍撰……………一 | 宋蕭楚撰……………一〇七 | 宋崔子方撰……………一七三 | 宋崔子方撰……………三四五 | 宋張大亨撰……………四五九 | 宋張大亨撰……………五三五 |
|------------|--------------|---------------|---------------|---------------|---------------|

# 欽定四庫全書

經部

春秋集解卷一至

欽定四庫全書

經部五

春秋集解

春秋類

提要

臣等謹按春秋集解三十卷宋呂本中撰舊刻題

呂祖謙誤也本中字居仁好問之子宋史本傳載

靖康初官祠部員外郎紹興六年賜進士擢起

居舍人八年遷中書舍人兼侍講權直學士

院學者稱為東萊先生故趙希弁讀書附志

欽定四庫全書

春秋集解

詳校官給事中臣戴瑛

給事中臣溫常校覆勘

總校官進士臣繆琪

校對官學正臣湯垣

膠錄監生臣陸昂

諸儒之說不過陸氏兩孫氏兩劉氏蕪氏程

獨此書為然况振孫言是書自三傳而下集

之惟以宋志作十二卷為疑然卷帙分合古今每易不

書固明云本中撰也朱彝尊經義考嘗辨正

移是書于祖謙不知陳振孫書錄解題載是

詩擅名詩家多稱呂紫微東萊之號稍隱遂

將其名最著故亦稱為東萊先生而本中以

稱是書為東萊先生撰後人因祖謙與朱子

氏許氏胡氏數家採擇頗精全無自己議論

以此本考之亦合知舊刻誤題書矣惟宋志

此書之外別出祖讞春秋集解三十卷稍為

抵牾疑宋本刻本已析其原卷改題祖讞故

相沿訛異史亦因之重出耳祖讞年譜備載

所著諸書俱有年月而春秋集解獨不載固

其確証不必更以他說疑也本中嘗撰江西

宗派圖又有紫薇詩話皆盛行于世世多以

欽定四庫全書

春秋集解

二

文士目之而經學深遽乃如此林之奇從之

受業復以其學授祖讞其淵源益有自矣乾

隆四十三年五月恭校上

總纂官 臣 陸錫熊 臣 孫士毅

總校官 臣 陸費 輝

欽定四庫全書

春秋集解引

予少而治春秋時人多師孫明復謂孔子作春秋略盡

一時之事不復信史故盡棄三傳無所復取予以為左

丘明魯史也孔子本所據依以作春秋故事必以丘明

為本社預有言丘明授經於仲尼身為國史躬覽載籍

其文緩其旨遠將令學者原始要終尋其枝葉究其所

窮優而柔之使自求之饜食而飫之使自趨之若江海之

欽定四庫全書

春秋集解

二

浸膏澤之潤渙然冰釋怡然理順斯言得之矣至於孔

子之所予奪則丘明容不明盡故當參以公穀啖趙諸

人然昔之儒者各信其學是已而非人是以多窒而不

通老子有言學不學復衆人之所過以輔萬物之自然

而不敢為予竊師此語故循理而言言無所係理之所

至如水之流東西曲直勢不可常要之於通而已近歲

王介甫以宰相解經行之於世至春秋漫不能通則詆

以為斷爛朝報使天下士不得復學嗚呼孔子之遺言

而凌滅至此非獨介甫之妄亦諸儒講解不明之過也  
故予始自熙寧謫居高安覽諸家之說而裁之以義為  
集解十二卷及今十數年矣每有暇輒取觀焉得前說  
之非隨亦改之紹聖之初遷於南方至元符元年凡三  
易地最後卜居龍川之白雲橋杜門無事凡所改定亦  
復非一覽之灑然而笑蓋自謂無憾矣南荒士人無可  
與論說者顧謂子遜仰之彌高鑽之彌堅瞻之在前忽  
焉在後此孔子之不可及而顏子之所太息也而況於  
予哉安知後世不復有能規予過者其於昔之諸儒或  
庶幾焉耳汝能傳予說使後生有聞焉者千歲之絕學  
儻在於是也二年閏九月八日志

欽定四庫全書

春秋集解

三

欽定四庫全書

春秋集解卷十

宋 蘇轍 撰

隱公

元年春王正月

不書即位而書正月何也言朝正於廟於是始成君  
也惠公娶于宋曰孟子卒其勝聲子生隱公又娶于  
宋曰仲子生桓公而惠公薨隱公立而奉之是以未  
嘗即位也隱公雖長庶子也桓公雖幼適子也適子  
當立而不能自立庶子不當立而能自立矣然則桓  
公之立否在隱公也隱立而以奉桓其志可也而禮  
則不可公羊曰立適以長不以賢立子以貴不以長  
隱於是焉而辭立則未知桓之將必得立也且如桓  
立則恐諸大夫之不能相幼君也然則自立而以奉  
桓禮歟穀梁曰春秋貴義而不貴惠信道而不信邪  
兄弟天倫也為人子受之父為人臣受之君已廢天  
倫而忘君父以行小惠可謂輕千乘之國矣蹈道則

欽定四庫全書

春秋集解

一

未也然則廢桓而自立禮歟兄弟之不加適庶古之道也諸侯再娶之非禮惠公尸之矣惠公以夫人娶之而其子可不以為適乎雖然自立以俟其長亂之道也蓋亦立桓而已為政乎立桓而已為政及其成人而授之於是可謂禮矣

三月公及邾儀父盟于蔑

邾子克也不書爵不名而字附庸之君未王命者也或曰古者禮樂征伐自天子出諸侯專之非禮也凡

欽定四庫全書

春秋集解  
卷一

二

書皆以譏之予以為不然春秋之際王室衰矣然而周禮猶在天命未改雖有湯武未能取而代之也諸侯之亂舍此何以治之要之以盟會威之以征伐小國恃焉大國畏焉猶可以少安也孔子曰桓公九合諸侯一匡天下民到于今受其賜微管仲吾其被髮左衽矣故春秋因其禮俗而正其得失未嘗不予也故曰其事則齊桓晉文其文則史其義則丘竊取之矣盟必有日月而不日失之也春秋以事繫日以日

繫月以月繫時以時繫年事成於日者日成於月者月成於時者時不然皆失之也故崩薨卒弑葬郊廟之祭盟戰敗入滅獲日食星變山崩地震火災凡如此者皆以日成者也朝覲蒐狩城築作毀凡如此者皆以時成者也會遇平如來至侵敗伐圍取救次遷成追襲奔叛執水旱雨雪冰雪彗孛螽蟥凡如此者或以月成或以時成者也惟公即位不書日有常日也外殺大夫不書月與日卑不以告也

欽定四庫全書

春秋集解  
卷一

三

夏五月鄭伯克段于鄆

段鄭伯之母弟也其母愛之封之於京將作亂大夫請禁之鄭伯不許及聞其將襲鄭而後伐之段出奔共段之不稱弟及公子何也段將為君非復臣也不稱段之奔而稱鄭伯之克何也段之亂鄭伯成之也克者何能勝也段之欲為亂久矣鄭人知之而鄭伯不禁非不能也將養之使至於亂而加之以大戮故雖逐之而國人不敵爭母不敢愛此鄭伯之所謂能

也故書曰鄭伯克段于鄆以示得其情也凡諸侯之事告則書不然則否雖及滅國滅不告敗勝不告克不書于策公羊穀梁以為諸侯之事盡於春秋也而事為之說則過矣

秋七月天王使宰咺來歸惠公仲子之賵

魯之喪諸侯有來賵者矣皆以常事不書書宰咺尊王命也天子之宰曰宰周公曰宰渠伯糾咺之名何也其賵非禮也天子七月而葬同軌畢至諸侯五月

欽定四庫全書

春秋左傳卷一

同盟至大夫三月同位至士逾月外姻至以賵惠公則緩以賵仲子則未薨也使受命於君出而不如其素雖正之可也季文子聘于晉求遭喪之禮而行遭喪而以常禮行之不可未喪而以喪禮行之可乎周雖命之咺不得行也唯命而行之以為非使也故名仲子之不稱夫人何也非薨非葬名有所不必書也穀梁曰仲子者惠公之母孝公之妾也禮賵人之母則可賵人之妾則不可君子以其可辭而受之以仲

子為惠公之母疑於僖公成風故也婦人既嫁從夫夫死從子由其夫之喪而賵之曰惠公仲子由其子之喪而禭之曰僖公成風禮不可以賵人之妾而仲子獨無子乎雖從其夫禮也故凡春秋之事當從史左氏史也公羊穀梁皆意之也蓋孔子之作春秋事亦略矣非以為史也有待乎史而後足也意傳春秋而不信史失孔子之意矣

九月及宋人盟于宿

欽定四庫全書

春秋左傳卷一

言及而不言其內之微者也宋人外之微者也或曰皆遠而失之也宿小國也盟而以國地宿與盟也冬十有二月祭伯來

祭伯天子之卿也不稱使非王命也不言朝未嘗朝也天子之卿而外交於諸侯非禮也

公子益師卒

益師魯大夫也大夫之喪君不以小斂則不日以為少恩也或曰遠而失之也

二年春公會戎于潛夏五月莒人入向無駭帥師入極無駭之不氏未賜族也或曰未王命也古者天子賜姓諸侯賜族楚未嘗通於周而其大夫曰屈完故氏非王命也極小國也

秋八月庚辰公及戎盟于唐九月紀裂繻來逆女

不稱使昏禮不稱主人也裂繻之不氏何也小國之大夫稱人其名皆特書也書裂繻以其逆女也凡女在國稱夫人禮惟天子不親迎使上卿逆之上公臨之諸侯親迎有故則使大夫可也

欽定四庫全書

春秋集解

六

冬十月伯姬歸于紀紀子帛莒子盟于密

子帛裂繻也其盟魯故也魯人有怨于莒裂繻既昏於魯而為魯盟莒故比之魯大夫而稱字嘉之也

十有二月乙卯夫人子氏薨

桓公之母仲子也凡公母稱夫人薨則曰夫人某氏薨葬畢而祔于廟則曰葬我小君某氏不稱夫人則曰某氏卒不祔于廟則不書葬仲子始娶于宋故曰

夫人子氏薨特立之廟而不祔故不書葬左氏曰不赴于諸侯不反哭于寢不祔于姑故不曰薨不稱夫人故不言葬考之以事皆不合失之矣

鄭人伐衛

三年春王二月己巳日有食之

凡春而書月則書王不然則否日食則曷為或日或不日或言朔或不言朔曰某月某日朔日有食之者食正朔也不言日夜食也不言朔朔在前也不言朔與日朔在後也

欽定四庫全書

春秋集解

七

三月庚戌天王崩夏四月辛卯君氏卒

聲子也隱公將不終為君故不稱夫人不稱子氏而稱君氏何也哀公之母曰嬖氏卒哀未君也隱既君矣不稱子氏而稱君氏著其君也詩曰母氏聖善又曰伯氏吹壎仲氏吹篪禮曰汰哉叔氏又曰哭於賜氏皆非姓也猶曰君氏云爾公羊穀梁曰此尹氏也尹氏者天子之大夫也天王崩為魯主故卒之王子

虎劉卷皆天子之大夫也其卒未嘗不名使尹氏嘗為諸侯主矣則將名之其曰尹氏而不名非尹氏也蓋君氏也

秋武氏子來求賻

武氏子者天子之大夫也其稱武氏子何也未畢喪孤未爵也未爵而使之非正也不言使桓未君也歸死者曰賻歸生者曰賻歸之正也求之非正也周雖不求魯不可以不歸魯雖不歸周不可以求之交譏之也

欽定四庫全書

春秋集解

八

八月庚辰宋公和卒

禮天子曰崩諸侯曰薨大夫曰卒春秋薨魯君而卒諸侯魯史也其書來赴也其名與魯通也凡諸侯同盟名於載書朝聘會問皆以名通故卒則書名不然則否左氏曰凡諸侯同盟死則赴以名禮君薨赴於他國曰寡君不祿臣子而名其先君非禮也冬十有二月齊侯鄭伯盟于石門癸未葬宋穆公

魯往會故書春秋以魯故卒諸侯及其葬則雖子男稱公何也會者在外信其臣子之詞也

四年春王二月莒人伐杞取牟婁戊申衛州吁弑其君完

衛莊公之世子完庶子州吁州吁有寵而好兵公弗禁公卒州吁弑完而自立凡弑君稱君君無道也稱臣臣之罪也稱君則曷為或稱人或稱國稱國以弑大臣弑之也稱人以弑衆人弑之也稱臣則曷為或氏或不氏不氏惡之甚也且州吁將以為君非復臣也

欽定四庫全書

春秋集解

九

夏公及宋公遇于清

禮盛曰會簡曰遇

宋公陳侯蔡人衛人伐鄭秋翬帥師會宋公陳侯蔡人衛人伐鄭

二年鄭人伐衛州吁將報之以宋公子馮之在鄭也使告于宋帥陳蔡而伐之宋公使來乞師公不義州

吁而辭焉公子翬請以師會之公弗許固請而行故  
不稱公子公羊穀梁曰翬之不稱公子與弑公也夫  
翬之伐鄭未嘗弑也且弑君而以不氏為貶而足乎  
不足不若不貶之愈也

九月衛人殺州吁于濮

州吁未能和其民使石厚求定於石碯石碯教之朝  
陳而求覲於王厚從州吁如陳石碯告陳人圖之陳  
人執之而請蒞於衛衛人殺之于濮稱人以殺衆詞  
也言衛人皆欲殺之也州吁既為君矣其曰殺州吁  
何也不能君也

冬十有二月衛人立晉

衛人逆公子晉于邢而立之不言晉歸于衛而書曰  
衛人立晉何也言歸則晉求入也言立則人立之也  
世子之不言立固其所也非世子未有不立而立者  
也雖非其所然而衛人之所共立蓋許之也其不稱  
公子何也將以為君非復臣也

欽定四庫全書

春秋集解

十

五年春公矢魚于棠夏四月葬衛桓公秋衛師入郕九  
月考仲子之宮初獻六羽

考成也諸侯不二嫡仲子不得祭於惠公之廟以桓  
故為之宮禮也天子八佾諸侯六大夫四士二魯以  
周公祭文王文王周公之廟用八諸公因之非禮也  
隱公問於衆仲於是初獻六羽不言佾羽而不干婦  
人無所事武也公羊穀梁曰初獻六羽始僭諸公也  
天子八佾公六諸侯四然則大夫二而士無佾矣可  
乎

欽定四庫全書

春秋集解

十二

邾人鄭人伐宋

宋人取邾田故邾人請於鄭以伐之凡班序上下以  
國之大小而盟會征伐以主者先邾小而先鄭主兵  
也

螟冬十有二月辛巳公子彊卒宋人伐鄭圍長葛六年  
春鄭人來渝平

公之為公子也與鄭人戰于狐壤止焉五年邾鄭伐

宋宋人使來告命公聞其入郛也將救之問於使者曰未及國公怒弗救故鄭人來渝平和而不盟曰平言渝棄舊怨也

夏五月辛酉公會齊侯盟于爰秋七月冬宋人取長葛七年春王三月叔姬歸于紀

伯姬之娣待年於國不與嫡皆行也滕不書書叔姬賢之也吳無君無大夫賢季子而書吳使札來聘亦猶是也若賢不得書必貴而後書則是以位而蔑德也不小國無大夫至於接我則書是不可以廢事也位不可以廢事而獨可以廢賢乎

滕侯卒夏城中丘齊侯使其弟年來聘

凡稱弟母弟也異母則稱公子各從其親者稱之也秋公伐邾冬天王使凡伯來聘戎伐凡伯于楚丘以歸戎嘗朝周發幣于公卿凡伯弗賓故伐之不言獲而言以歸尊王官也穀梁曰戎者衛也戎衛者為其伐天子之使也稱衛則衛可見戎衛則衛不見而何以

欽定四庫全書

春秋集解

卷一

為貶乎

八年春宋公衛侯遇于垂三月鄭伯使宛來歸柩庚寅我入枋

枋者天子巡守鄭人助祭太山之邑也鄭伯曷為以其邑與魯將以易許田也許田者魯朝宿於成周之邑也周衰天子不巡守諸侯不朝枋近魯許田近鄭是以易之天子在焉而私易田其言使宛來歸枋鄭之罪也曷為不言以許田與鄭事未定也宛之不氏貶之也或曰鄭大夫之未賜族者也

欽定四庫全書

春秋集解

卷一

夏六月己亥蔡侯考父卒

蔡未通而名者蓋通於惠公之世也

辛亥宿男卒

宿嘗通矣其不名失之也

秋七月庚午宋公齊侯衛侯盟于瓦屋八月葬蔡宣公九月辛卯公及莒人盟于浮來螟冬十有二月無駭卒九年春天王使南季來聘三月癸酉大雨震電庚辰大

雨雪挾卒夏城郎秋七月冬公會齊侯于防

十年春王二月公會齊侯鄭伯于中丘夏翬帥師會齊人鄭人伐宋六月壬戌公敗宋師于菅辛未取郕辛巳取防秋宋人衛人入鄭宋人蔡人衛人伐戴鄭伯伐取之冬十月壬午齊人鄭人入郕

十有一年春滕侯薛侯來朝夏公會鄭伯于時來秋七月壬午公及齊侯鄭伯入許冬十有一月壬辰公薨

公子翬將為公殺桓公以求大宰公不許翬懼反譖

欽定四庫全書

春秋集解

十四

公於桓公與之謀而弑之不書弑諱之也薨而不地隱之不忍地也不書葬不成喪也公羊穀梁曰賊不討不書葬讎在內也讎在外則何以書葬君子詞也若隱公之禍將誰討乎蓋將討乎桓公隱亡而討桓將誰使為君隱亡而討桓是重亂也故隱亡則桓君矣討君之難孰與討齊之難不討齊則葬之不討君則不葬非訓也故凡弑君不書葬不成喪也隱十年無正事不在正月也公羊曰隱不有其正穀梁曰隱

不自正亦有事在正月而不書者乎蓋未之有也未之有也不書宜矣

欽定四庫全書

春秋集解

十五

春秋集解卷一

欽定四庫全書

春秋集解卷三

宋 蘇轍 撰

桓公

元年春王正月公即位

繼故不書即位正也先君不以其道終子弟不忍即位也繼故而言即位是與聞乎弑也先君不以其道終已正即位之道而即位是無恩乎先君也

三月公會鄭伯于垂鄭伯以璧假許田

欽定四庫全書

春秋集解  
卷三

許田所以易祊也以祊為未足而益之以璧耳曷為不言易諱之也言假有歸之道焉言易則已矣凡歸未有不受者也假未有不予者也鄭伯之使宛來歸祊也書歸書入魯鄭皆罪也其以璧假許田也書假而不書予祊之謀隱公為之矣桓因而成之非專其罪也

夏四月丁未公及鄭伯盟于越秋大水冬十月

二年春王正月戊申宋督弑其君與夷及其大夫孔父

此弑其君與殺其大夫其言及何也由弑及之也華

督殺孔父而取其妻公怒督懼遂弑殤公君子以督為有無君之心而後動於惡故先書弑其君公羊曰孔父字也其不名賢也諸侯不生名死猶名之大夫生名死而名正也孔父之死何賢而字乎且方名其君而字其臣禮乎

滕子來朝

滕嘗稱侯其稱子王所黜也

欽定四庫全書

春秋集解  
卷三

三月公會齊侯陳侯鄭伯于稷以成宋亂

成平也稷之會將以平宋亂也既而受賂立華氏故書其所以會春秋之會未有書其故者也會而書其故言非其實也襄三十年諸侯之大夫會于澶淵亦書曰宋災故言諸侯始以宋災為會既而無歸亦非其實也

夏四月取郕大鼎于宋戊申納于大廟

郕鼎華氏之賂也華氏之賂為不可受矣而又納之

大廟甚之也

秋七月杞侯來朝蔡侯鄭伯會于鄧九月入杞公及戎盟于唐冬公至自唐

凡公行反而告廟則書不然則否特相會往來稱地自參以上則往稱地來稱會衆詞也一出而二事則或致其前或致其後致其重者也隱公之不至何也將不終為君不以告也

三年春正月公會齊侯于贏夏齊侯衛侯胥命于蒲

欽定四庫全書

春秋傳說彙纂

三

胥命者約言而不盟也有以相命故不可以言會未嘗歆血故不可以言盟

六月公會杞侯于郕秋七月壬辰朔日有食之既公子翬如齊逆女九月齊侯送姜氏于謹公會齊侯于謹夫人姜氏至自齊冬齊侯使其弟年來聘有年

四年春正月公狩于郎夏天王使宰渠伯糾來聘

五年春正月甲戌己丑陳侯鮑卒夏齊侯鄭伯如紀天王使仍叔之子來聘葬陳桓公城祝丘秋蔡人衛人陳

人從王伐鄭

鄭世為周卿士王貳於虢故周鄭交惡王以諸侯伐鄭不言王及蔡人衛人陳人伐鄭君臣之詞也不言王以蔡人衛人陳人伐鄭諸侯之師王之所得用也於是鄭人及王戰于繻葛大敗王師射王中肩不言戰王者無敵莫敢與之戰也不言敗諱之也

大雩

早也得雨曰雩不得雨曰旱曷為以大言之雩上帝

欽定四庫全書

春秋傳說彙纂

四

也天子雩于上帝諸侯雩于山川百神魯以周公得祭上帝謂之大雩言大於諸侯也左氏曰凡祀啓蟄而郊龍見而雩始殺而嘗閉蟄而烝過則書秋大雩書不時也夫龍見而雩常祀也早雩而以常祀言之失之矣

僉冬州公如曹

六年春正月寔來夏四月公會紀侯于成秋八月壬午大閱蔡人殺陳佗九月丁卯子同生

子同桓之適長也以太子生之禮舉之故書公羊曰  
喜有正也喜有正所以病桓也然則非病桓將不書  
乎穀梁曰疑故志之然則非疑將不志乎

冬紀侯來朝

七年春二月己亥焚咸丘夏穀伯綏來朝鄧侯吾離來  
朝

八年春正月己卯燕天王使家父來聘夏五月丁丑燕

秋伐邾冬十月雨雪祭公來遂逆王后于紀

欽定四庫全書

春秋左傳卷二

五

祭公王之三公也王將逆后于紀而使魯主之故祭

公自魯如紀不稱使謀昏也遂繼事之詞也大夫出

疆有以二事出者有以一事出而專繼事者其書皆

曰遂得失則視其實而已祭公自魯逆王后公子遂

如周及晉皆以二事出者也公子結媵而及齊宋盟

專繼事者也女在國稱女此其稱王后何也王者無

外命之則成矣

九年春紀季姜歸于京師

劉夏逆王后于齊不書其歸此何以書魯為主也  
既曰王后矣此其稱紀季姜何也自紀稱之也父母  
之於子雖有天子后猶曰吾季姜

夏四月秋七月冬曹伯使其世子射姑來朝

諸侯相朝正也有故而使世子攝事畏大國也蓋禮  
之變也

十年春王正月庚申曹伯終生卒夏五月葬曹桓公秋

公會衛侯于挑丘弗遇

欽定四庫全書

春秋左傳卷二

六

衛侯與公為會於挑丘既而背之與齊鄭來戰故書

曰弗遇過在衛也

冬十有二月丙午齊侯衛侯鄭伯來戰于郎

六年北戎伐齊鄭太子忽救齊大敗戎師於是諸侯

之大夫成齊齊人餽之使魯為之班魯以周班後鄭

鄭忽以其有功也怒故以齊衛來戰于郎不稱侵伐

而稱來戰無詞也鄭雖主兵而先書齊衛猶以周班

正之也

十有一年春正月齊人衛人鄭人盟于惡曹夏五月癸未鄭伯寤生卒秋七月葬鄭莊公九月宋人執鄭祭仲突歸于鄭鄭忽出奔衛

祭仲有寵於鄭莊公為公娶鄧曼生忽故祭仲立之宋雍氏女於鄭莊公曰雍姑生突雍氏有寵於宋莊公故誘祭仲而執之曰不立突將死祭仲與宋人盟以突歸而立之書曰宋人執鄭祭仲而繼之以突之入與忽之出仲以出君易死罪之也突之不稱公子何也將以為君非復臣也其曰歸于鄭何也凡反其國無難曰歸有難曰入無難而內不喜曰復歸有難而內不喜曰復入復者厭之之詞也突從祭仲以歸于鄭則無難矣鄭忽未逾年之君也未逾年之君稱子不稱子何也不能君也忽之為太子也齊侯將妻之忽辭人問其故忽曰自求多福在我而已大國何為及其敗戎師也齊侯又請妻之固辭或問之曰無事於齊吾猶不敢而況以師昏乎故其立也國人不

欽定四庫全書

春秋集解  
卷二

七

附大國不援以至於出奔蓋未嘗君也故不稱子公

羊曰祭仲何以不名賢其知權也忽何以名春秋伯

子男一也詞無所貶夫以出君為知權亂之道也故

祭仲名也非字也且方名二君而可以字其臣乎嫡

子稱子稱先君也庶子不得稱子不敢稱先君也非

伯子男之謂也且雖伯子男其可一乎

柔會宋公陳侯蔡叔盟于折公會宋公子夫鍾冬十有

二月公會宋公子閱

欽定四庫全書

春秋集解  
卷二

八

十有二年春正月夏六月壬寅公會杞侯莒子盟于曲

池秋七月丁亥公會宋公燕人盟于穀丘八月壬辰陳

侯躍卒公會宋公于虛冬十有一月公會宋公子鮑丙

戌公會鄭伯盟于武父

鄭伯突也突篡其兄而立春秋以君許之何也諸侯

雖以篡得苟能和其民而親諸侯內外君之則以君

書之不沒其實也雖君而實篡雖篡而實君皆因其

實而已不然則否不能君也衛州吁陳佗是也